

LA QUOTIDIANA

FMR Fundaziun Medias Rumantschas, Via da Masans 2, 7000 Cuirra, 081 544 89 11, redacziun@fmr.ch



Il Solarexpress survegn tempo
 La regenza grischuna ha dà la permissiun da construcziun a trais implants da fotovoltaica en Surselva. **Pagina 7**



In pled per descriver tut e nagut – la «convivenza»
 La rubrica «In mais da pais» emprova questa giada da dar substanza al pled da moda «convivenza». **Pagina 3**

FMR FUNDAZIUN MEDIAS RUMANTSCHAS
 südostschweiz

ENGIADINA

Ün on cun success pella Val Müstair

In occasiun da la radunanza cumünala in marcurdi passà a Sta. Maria sun gnüts preschantats ils rendaquints per l'on 2023 dal Cumün da Val Müstair sco eir da las dittas da dret public. D'apropiar quels es stat pellas votantas e'ls votants üna chosa allegraiva, siond cha'ls rendaquints han serrà giò cun cifras nairas. Uschè ha il rendaquint cumünal 2023 serrà giò cun ün guadogn da passa 600 000 francs, la Biosfera Val Müstair ha fat üna nolla naira e'l provedimaint electric PEM ha fat ün plus da passa 57 000 francs. Intant cha oters ospitals regionals il chantun han fat deficits da plüs milliuns l'on passà, ha il Center da sandà Val Müstair fat ün pitschen gudogn. (fmr/cam) **Pagina 11**

GRISCHUN

Betg bittar la fautsch en chanvà



Questa zona verda a Cuirra para in pau selvadia, ma quai è planisà uschia per promover la biodiversità. FOTO: TONI VINZENS

Er en il Grischun patescha la biodiversità sco in pau daper-tut. L'emna vargada ha dentant Terraviva organisà in curs per far frunt a quest problem, almain en abitadis da la Val dal Rain. Il public en mira eran persunas dal fatg che vulevan savair, co che zonas verdas possian vegnir revalitadas e mantegnidas en lur vischnanca. Il potenzial saja numnadamain anc grond, sco che la responsabla per il curs *Kathrin Pfister* di, e quel stoppia vegnir nizzegià uschè bain sco pussibel. La fin finala han var diesch persunas participà al curs che ha cumplià ina part teoretica ed ina guida tras Cuirra. Era la FMR ha preni part e sa dir ch'igl è mintgant meglier da betg bittar la fautsch en chanvà. Dal reminent na dovri betg be ina buna planisaziun e coordinaziun, tenor las trais referentas e referents, mabain era lavur da scleriment. Uschiglio na chapeschia la glicud betg, pertge che tschertas zonas verdas en lur vischnanca èn forsa in pau pli selvadias che usità. (fmr/vit) **Pagina 2**

GRISCHUN CENTRAL

Restauraziun sur onn

Siva dall'emprema staschung d'anviern è igl cumejn da Surses gio puspe alla tschertga d'en nov fittadign per l'ustareia a La Nars tg'è neida surdada igl aton passo agl travagl. Giavischia: En ustier u ena ustiera tgi derva igl restorant betg angal durant la staschung d'anviern, cura tg'igl travagl a La Nars è fitg grond, mabagn er da stad. Igl cumejn è actualmaintg occupo cun examinar, scu tg'ins pudess augmentar las purscheidas da stad. «Per exaimpel ena piazza da giuier ni ulteriors urdegns per unfants e giuvenils», dei *Stefan Steiner*, igl sviluppper digli li digli cumejn da Surses. (fmr/sab) **Pagina 10**

Il niev directur selegra

El surpren igl october 2024 il post dil directur dallas pendicularas da Breil che cumpeggia era il menaschi dil Pradas Resort. Ivo Maissen viva bein cun sia famiglia a Mustér, enconuscha denton la branscha turistica plitost sco aspectatur e skiunz. Entochen ussa ha igl um da 49 onns menau ina interpresa che sefatschenta cun datas electronicas el sector da sanadad.

ANDREAS CADONAU/FMR

«Jeu selegrel da mia nova incumbensa al tgamun dallas pendicularas.» Quei tradescha *Ivo Maissen* che daventa successur da *Beat Zenklusen*, il qual ha menau las pendicularas da Breil/Vuorz/Andiast duront diesch onns. En in discuors cun la FMR tradescha Ivo Maissen (49) da buca sulet selegrar da sia nova incarica professiunala. «En mia nova incumbensa portel

«Jeu portel mias experienzas da tgamunar ina interpresa.»

Ivo Maissen, niev directur dallas pendicularas da Breil

jeu tuttas experienzas che jeu hai denter auter cun tgamunar ina interpresa.» L'interpresa che Ivo Maissen meina actualmeins ei el mument ina dallas pli impurontas firmas activas ella branscha d'informaziun per practicas da medis. Il nivelegiu directur dalla pendicularas da Breil ei cuscients dallas midadas el turissem. Emoziunalmeins ei Ivo Maissen fermameins colligiaus cul territori alpin nua ch'el passenta ina part da siu temps liber. **Pagina 5**

«En il bus u en il tren sesa mintga persuna persula (e dovra pia dus sezs).»

En sia columna or dal mund raquinta *Gianna Caviezel* davart las particularitads en la Norvegia. – Pagina 20



FOTO MARTIN GABRIEL

13 gadas llanz Glion

Damaun sonda e dumengia ha liug a Glion la fiasta da 500 onns dil Stadi liber dallas Treis Ligias. Sper in program cun numerusas activitads arva il Museum Regiunal Surselva in'exposiziun speciala che sefatschenta dalla convivenza enteifer ils 13 vitgs dalla vischnaunca llanz/Glion. Mussai vegnan portrets fotografics da *Lucia Degonda* e *Jaromir Krejlinger* da 150 persunas che vivan ellas 13 fracziuns da llanz/Glion (mira foto). (fmr/mg) **Pagina 7**